

կատարում, դա շատ զարմացնում էր ինձ: Ի՞նչ նպատակ ունեին այդ կերպարանափոխությունները, ի՞նչ կապ կար Արթինի, Ասլանի կամ միւսների մեջ եւ վերջապէս, ո՞ւմն էին պատկանում ջորիները, այդ բոլոր խաբուսիկ պատրանքները զբաղեցնում, շոարեցնում էին իմ միտքը եւ զանազան անորոշ ենթադրությունների մեջ էին նետում...

Մուրա՛դ եւ քաւոր Պետրո՛ւս, այդ երկու անունները սարսափեցնում էին ինձ: Այո՛, երկուսն էլ երեւելի խաչագող էին: Միթե՞ բարոյապէս փչացած խաչագողը կարող էր ընդունակ լինել մի լաւ գործի: Միթե՞ կարելի էր հաւատալ նրանց: Միթե՞ կարելի էր յուսալ նրանց մեջ անկեղծութիւն, որ իրանց ամբողջ կեանքում միշտ կեղծել են, միշտ խաբել են եւ միշտ իրանց հեռու են պահել ճշմարտութիւնից: Գարշելի՛ արարածներ: Ես զարմանում էի Ասլանի միամտութեան վրայ, որ այդ տեսակ մարդկանց հետ գործ ունէր: Ի՞նչ մի լաւ բան կարելի էր սպասել նրանցից:

Բայց երբ կրկին անգամ ներկայանում էր ինձ այն սրտաշարժ տեսարանը, որ մի քանի րոպէ առաջ տեղի ունեցաւ տաղաւարի մեջ, երբ մտաբերում էի այն խօսքերը, որ այնքան խորին զգացմունքով արտասանեց Մուրադը, այդ միջոցին մթութիւնները հետզհետէ փարատւում էին, եւ իմ առջեւ բացւում էր մի նոր, լուսափայլ հորիզոն: Ես տեսնում էի, որ գարշելի խաչագողն անգամ կարող է ուղղուել, կարող է մաքրուել էին կեղտերից եւ ծառայել մի բարի գործի: «ո՛վքե՛ր էինք մենքէ, ասում էր ոգելից Մուրադը: «Մենք մի հասարակութիւն էինք: Մեր մեջ կերպարանագործո՞ւած էր մի ամբողջ ժողովուրդ իր անբարոյկան ախտերով»... Դրանք խորհրդաւոր, շատ խորհրդաւոր խօսքեր էին: Միթե՞ սալմաստեցին կամ սաւրեցին է միայն խաչագողը: Խաչագող կարող է լինել ե՛լ մի քահանայ ե՛լ մի արհեստաւոր, ե՛լ մի վաճառական, ե՛լ մի վարժապետ, ե՛լ մի աստիճանաւոր, մի խօսքով, ամէն մարդ, որ խաչագողի յատկութիւններ ունի: Խաչագող կարող է լինել եւ մի ամբողջ ազգ, որ բարոյապէս փչացած է, որը խաչագողի նման հարուստ ընդունակութիւններ ունի, բայց իր ընդունակութիւնները գործ է դնում դէպի վատը, դէպի անազնիւր եւ դէպի անբարոյականը: «հասաւ ժամանակը մերկանալ հին մարդը եւ, իբրեւ նոր մարդ, նոր հոգով եւ նոր եռանդով գործել՝ դէպի ազնիւր եւ դէպի լաւը: Այդ խօսքերով վերջացրեց երիտասարդը իր փոքրիկ ճառը. «մեր բոլոր ընդունակութիւնները, որ զարգացած էին միայն չարիք գործելու համար, թող այսուհետեւ գործ դրո՞ին դէպի հասարակաց բարին»:

Երբ Մուրադը վերջացնելով իր գործը եկաւ նստեց իմ մօտ, ես ցիշեցի, որ մի ժամանակ տեսել եմ նրան արաբական միւնարեթում: Ես տարակոյս չունեի, որ նա ճանաչում է ինձ: Բայց, երեւի, մտածում էր, որ ես այժմ չէի կա-